

## AFC Sexten - ACD Val Badia

Inviato da Marco  
Ultimo aggiornamento domenica 26 agosto 2018

Domènia, 27. má 2018

Lerch ai jogn

3 punti cuntra le Sest foss stá de ütl por fa classifica, mo nia plü dezisifs por la salvèza bele conquistada dan otedé. Insciö lascia le alenadú lerch ai sogadus plö jogn, porvan impó da ciáfé en eculiber por davagné la partida. Ala fin ne era nia jüda, ince sce les ocajiuns ne foss nia stades püces.

Che entrames les scuadres ne sogá nia val deplü conësciun da mët man la partida, ola che i sogadus pro da soghé sënza en gran druch y cëra denant da studié l'avësar. Insciö dörel fina al 13' menüt fina che al mët man les ocajiuns. La pröm cun Matthias che salta i defensurs, mo tira da na pert dla porta ia. Dedo el ciamó les trates de Luca Bernardi y Samuel Vittur che röva dlungia porta ia y ciamó en iade Matthias al 32' menüt che tira surafora da buna posiziun. Le pröm tēmp se stlūj jö sön 0 a 0 cun la Val Badia che á desmostré en bel jüch, mo al mancia le gol.

Ti secundo tēmp è le Sest che pro da abiné i ghesc imprepará y è ince bugn da fa atira tl mët man le gol dl vantaje. I jogn sogadus ladins perd insciö n pü de convinziun, mo che spo vëgn indo cun le passan dl tēmp. Insciö tol indo la Val Badia tles mans y röva indo a ocajiuns por l'per. Do deplü ocajiuns manco prigoroses röva al 83' menüt Nicola sú te area y vëgn metü jö dal portier. L'arbitër sciüra atira le fal, mo mostra cun la man fora de area. Les protestes da pert di ladins por l'önesmetri nia conzedü è ma püces por via dla manco importanza dl resultat. Mo impó ó ruvé la Val Badia al per y drüca inant. Al 90' röva Davide a na bela trata da buna posiziun che le portier è bun a paré cun na gran reaziun. La cogora röva indo a Davide che tira ciamó en iade mo le portier mët ciamó en iade les mans amesa ite y deviëia te ciantun. Sön le cross dal ciantun röva Gianluca ala deviazion cuntra porta y le portier fej indo na gran parada. Le per foss merité, mo la partida se röva söl 1 a 0 por la squadra de ciasa. La Val Badia stlūj jö al terzultim post. Do le rode de andata e la situaziun plü prigorosa mo la squadra e tres cersciöda y tl rode de retüda era jüda da arjunje cun en per de bí resultat ince la salvèza sciöch travert minim dla sajun. Sëgn el da palsé fora y ciaré da porté inant i miglioramënc fac fina sëgn ince tla nöia sajun. En complimënt y n dilan a düc i sogadus, alenadú y acompagnadus por la bela sajun passada.

AFC Sexten - ACD Val Badia: 1 - 0

Formaziun: 1.Denis Frenademetz, 2.Matteo Ploner, 3.Andrea Conrater, 4.Christian Granruaz, 5.Samuel Vittur (dal 61' Florian Barbolini), 6.Dylan Liotto (dal 59' Giacomo Sibillon), 7.Alex Felder (dal 45' Alexander Ploner), 8.Luca Bernardi (dal 59' Gianluca Lorenzini), 9.Davide Fontanive, 10.Matthias Stampfer (cap.), 11.Nicola Zuliani.

Alenadù: Cristian Curti.